

无上内秘真藏經卷之七

洪十四

妙德品

爾時真藏童子與諸眷屬天仙子無執數
來俱詣

天尊遊行世界及下方無極地獄天上天下
悉皆周匝見一國土國名長引男女長大長
三十丈年壽八千皆學道德又見一國男女
純朴無有文字尊卑上下各自禮敬不失威
儀又見一國自然衣食男女歡樂無有哀憂
又見一國國名塞河人長一丈三尺多力如
獸不知道德無有人禮又見一國男女一足
食自生之穀無有衣服又見一國之人身長
九寸止息樹間不衣不食又見一國男女禮
敬修學大乘無為自化又見一國男女鳥頭
人面衣自然之衣猶如禽獸又見一國男女
長壽生而不死又見一國男女身三足兩頭
裸身無衣猶如野鹿又見一國男女唯有一
眼在於頂上生毛羽一足而行語似鳥音
不知父母又見一國國中有山左右金光之
樹樹高三百丈許其實美於甘泉食之千日

皆得仙道乃至下方無極世界地獄罪報若
樂不同或挖銅柱或俯劍樹或入鑊湯或上
刀山或分形碎體或拔古鐵錐各配考曹或
在北元曹或在九府曹或在幽夜曹或在苦
神曹或在毒刃曹或在溼波曹或在考正曹
或在四極曹或在長劫曹或在三難曹或在
萬掠曹或在長苦曹或在無極曹如此考掠
罪報不可思議略述所見雜類不同敢問

天尊大乘道教為過周不若不適者不名大
乘若普過者悉應知道道教者應無罪業
各有道德亦無善惡唯願天尊垂慈教示令
眾得聞

天尊曰何故復作此問吾為汝說譬如百昌
一地生長種種不同或大或小或長或短千
差萬別眾兆雜類亦復如是大乘造化品物
不同國土差殊形貌不等天尊隨類相好優
劣各順物宜習其本業既得本業隨類受形
所受形者皆具道德悉入大乘當知秘密真
藏功德廣遠非可格量一切眾生心心同受
業業不等或造惡者或行善者種種運為皆

由心作道常冥通不在中間亦不在外譬如
夜室暉光隨孔而照光雖萬殊而本之者一
真藏童子汝等善思大乘功德殊妙不可證
知若證功德者一切善惡非善惡而為功德
一切罪業非罪業而為功德一切地獄非地

獄而為功德一切道場非道場而為功德一
切眾生非眾生而為功德一切諸法非諸法
而為功德一切生死非生死而為功德一切
去來非去來而為功德一切天尊非天尊而
為功德一切眾聖非眾聖而為功德一切大
乘非大乘而為功德一切愚智非愚智而為
功德一切雜類非雜類而為功德如是功德
遍周皆是道惠亦名道眼亦名解脫亦名究
竟亦名大通亦名普德亦名冥寂亦名遠逝
亦名法母亦名能生亦名妙相亦名出入亦
名真藏亦名法寶亦名眾生亦名善惡亦名
生死亦名取捨亦名雜類亦名分別亦名人
我功德微妙不可思議種種示形非可演名
爾時真藏童子及諸四眾聞如是功德驚愕
喪忙反迷大道不審世間積財功德及修道

業功德云何為有功德為無功德若有功德
天尊遍說大乘微妙功德即是虛誕誑惑眾
生不為真實若無功德眾生不修不作功德
應成道果

天尊曰善哉善哉我說大乘微妙功德盡虛
空界纖芥無遺汝所問者積財修業亦是功
德何以故積財非財修業非業無人無我三
毒既淨即是微妙功德亦名大乘亦名證果
亦名智慧亦名解脫一切諸法亦復如是究
竟清淨究竟道場究竟功德汝等四眾善思
積念精專無二功德深遠卒不能聞譬如穿
井井穿愈深漸漸功多運土難出既至泉源
得止衆渴悉令飽足無饑渴想穿井功勞隨
泉亦滅修道積行亦復如是陰恩密惠研盡
窮源了達性情從容自在功迹不見得至大
乘功德具足又如遠行遊步萬里種種艱辛
無所不見修道積行亦復如是艱辛苦行遊
歷世間滅迹塵勞得諸根性證成道果眾生
根性六賊馳騁四魔纏身三業取捨五蘆纏
綿舉手運為皆成罪業善男子汝等徒衆深

研靈具相心事表勿著我人累結塵勞怨憎
競起心邪亂惑百鬼來侵壽夭不長死入惡
道一切眾生亦復如是飄浪生死思愛貪求
念念施為遂無覺察譬如猿猴跳躑恃便忽
罹機辟自喪身本眾生心賊亦復如是汝等
建志如履冰谷吾為汝說昔有一人不知內
行鑽研智慧向外求善朝夕拜跪枯樹乞
長生二十八年不倦時刻枯木忽然生華內
有甘汁其味甜密此人乃即飲之即得地仙
富知心志懸到道不負人枯木猶感直心況
研內行自然解脫爾時真藏童子及諸四眾
聞此譬諭澤被不勝悟解大乘深淺同等功
德殊妙各入軌儀

天尊於是而作頌曰
諸法微妙相 自然功德本 生靈解脫師
體悟道非遠 我顯歸舊宗 功德無遲晚
勤行積善行 大乘與物反 煩惱內尋真
諸根寂然湛 汝等各自思 愚夫終不付
他方雜世界 功德遍皆滿 物類雖不同
真德無虧損 我說真藏經 度脫皆平等

小乘人不信 慈心內含養 方便令受持
功德隨日長 汝等勤精進 證法如影響
五蘆香園林 禁持牢守掌
天尊說頌讚揚功德告諸童子并及眷屬一
切眾生不離言教而求道果不離文字即是
功德爾時真藏童子啟問
天尊若有男女求學文字及諸言教云何問
厥言教文字的在何方為在過去為在未來
為在見在若在過去過去已去復無可求若
在未來未來未至亦不可得若在見在見在
不住不住故無可求唯願天尊指掌開示
天尊曰善哉善哉未求道者離一切相絕空
有心我說文字性離言教亦空非空不空亦
不不空即此言者即是道果亦名內求又問
一切眾生根機不等心識難知若決空理恐
觸愚情若執有陳復乖智者云何可授天尊
答言當觀其行具六正法便可授與又問何
謂六正一者眼不受色眼根解脫二者耳不
受聲耳聰明明三者鼻無穢氣鼻徹眾腥四
者口無言過口辯法本五者身不受餓身性

真德無虧損 我說真藏經 度脫皆平等

虛通六者心意無累惠解無方此六正者上士之行當合大乘入功德本復次有五善法堪授教人何謂五善一者善離世間華色之法二者善行恩愛隨緣濟給三者善建功德常懷忍辱四者善事明師修學正道五者善能方便諮請良友此五善者中士之業當合中乘進昇道境復次有九戒法何謂九戒一者戒身身不妄殺愛育羣生二者戒意意不妄貪無犯諸惡三者戒足足不妄踐無傷害命四者戒手手不妄操無受他物五者戒心○心忍如地無有怨結六者戒耳耳不妄受無善惡聲七者戒眼眼不妄視無五色見八者戒口口不妄言無毀良善九者戒鼻鼻不妄嗅無滌薰馨此九者戒為下品衆生修行堅受福德立降如是真藏善運機緣布張得所

童子與諸徒衆共言契會我等並有宿福得過天尊顯揚功德教示委曲悟解機緣我等各自建志從身至身從劫至劫經涉履歷終無退轉復次各各誓願濟度蒼生令出苦海若見急難當誦此經難即消滅若見國土有橫殃祥當誦此經袂即自止若有水旱兵災當誦此經兵甲不起若見疾病衰危當誦此經病自消愈此經神力廣遠諸天童子大力鬼王師子金剛共相衛護我等正念勿負願言各各自視心心相得恬神靜念歡喜讚曰

法王法力惠慈尊 開演功德遍法界 衆生衆行並沾恩 蠢蠕蜎翹皆蒙賴 大乘大道平等師 普教羣迷無遺芥 愚人愚闇不信真 棄背慈母生恩愛 慈母慈悲常度脫 出入去來無有礙 我等我行內思惟 累積功勞經千載 小乘小知無寸功 難化自我終無改 十方十聖皆受持 證果無方得自在 爾時真藏童子及諸眷屬說此讚頌上白 天尊諡論妙法一切衆生各自人我行衆生 行乃至小乘二見之人引導羣迷亦自說言 我所說者文真理直世間無比最尊最妙為 衆經本復有諸雜鬼神之類亦自說言我所 說者文真理實希有第一復有異類國土林 鬼甚多人民欣樂行小乘法專思斷惡志行 善果會善無已不作諸惡亦自為是如此人 行各各自專衆生淺劣易信小言志學為善 云何得離小乘而習大行 天尊曰如是如是衆生顛倒易牽易誘從易 牽誘悉入邪道何以故昔有一國名曰自通 常行善行智劣不深信邪善法有一野狐即 是狐王多妖詐惑種種方術欲化國王語狐 徒衆自通之國國王樂善棄惡智淺不深聞 善則信我有妙術能飛能隱聰明智朗飛向 殿前變作人像端正第一懸坐虛空去地百 丈說諸妙經談空解義辨別陰陽聲響如鐘 言泉河瀉遂不輟音國內官人嬪妃妹女及 諸眷屬境內臣民信我靈聖必當聚集觀聽 我說以為希有隨我所要必用我語我當勸 其捨命脫取衣家并及寶物收攝歸家入市

貨易買取肥肉與我妻子眷屬共相餐食豈非上計美樂之業野狐徒衆俱聲唱善答曰王言徒來常行偷盜并取野物恒怕畏人捉獲身命無量辛苦供給大王不能得濟王有如此上妙才伎絕世希有何不急與狐王聞

此語已便即起心聞誦幻術經文棄惡從善

三四夜誦得數百餘卷悉皆利滑即變形體飛空而去直到國王殿前去地百丈坐虛空中口誦經典果如前言國王官人姝女妃嬪及百千眷屬一時雲集舉目仰視觀見狐

王說法奇特哀鳴嗷咽悲泣交流勸善捨惡官人彩女并及羣臣嗟歎無已聖人出世希有難聞國內寶物并及百姓人民悉皆捨施復有三十餘人於王殿前一時捨命狐王語

時衆曰如此捨命最是上士我以神力攝持將去安置玉山寶堂之內常行供養作是語已化作疾風死屍寶物悉皆攝去無有遺失到羣狐窟共食人肉復遣狐子變化人形齋

持寶物入市貨賣用將買肉至屠兒行中評論肉價屠兒行中有數猛狗爭骨相嚙狐子

見狗心生忙怕不覺變形狗便嚙殺屠兒惶怖得此寶物不敢私藏即告市官具說如是市官不敢藏之即告州縣州即申奏國王陳狐寶物具述狀國王見表寶物之狀便即覺悟識此之物是我小兒所散寶物前施聖

道何故在狐手中爾時有一慧解之士名曰仙靈即前伏地上啓大王賜臣萬死敢以上陳王即開恩百死不問若有別見任當說言仙靈長跪而啓王曰前空中說經教化者即是狐魅妖術臣當欲啓大王懼違王意不敢

出言王曰汝何得知仙靈曰但誦其文不解其理勸人棄惡從善心口乖違復能飛空即知虛偽一切大聖寂滅無端云何有此惑衆

王曰錯矣奈何仙靈曰可集軍衆多將猛狗圍彼大陵斷除妖種正法流行王即命諸軍

衆剋定時日圍彼大陵狐即變作人形稽首再拜奉迎於王猛狗來逼變為狐狀狗即嚙殺王命羣臣擊地窟中必得寶物羣臣即尋

鑿掘得至狐窟大得寶物王即敕下天下召來認物所來認者皆得其實當知世間難辨

口是心非假說偽途情迷倒惑汝等四衆善自觀察六正法中取其一義無毀無壞無邪無惑何謂一義

天尊曰不受諸有不受諸空忘身無我畢竟空寂即是第一義端又問忘身無我誰受空

義得為第一

天尊答言唯我自受又問自受無我云何有我自受如是如是實無自我即是第一義無

生無滅究竟湛然故名自受復次一切衆生心行迷惑流在六十五道雜類邪見鬼神入

其心府常作鬼語不自覺知聞說浮言即將為善若值秘密真藏逆耳無聞即生不信邪

見外道巧說偽詞入其骨髓歡喜讚歎語其妻子歸崇此法即得成道何以故此法善見

於人邪言易染便即受信若聞真藏難一切相滅空有心即生誹謗復次諸善男女等昔

有一國國王名曰突教自在為人通辯物理諸方外道邪見妖術種種方計未化國王行

習偽道初有一人最為多解作術變形騰空自在音鍾伎樂充塞虛空迺至王所鏗鏘讚

誦不可稱名宮人婢女上下羣臣觀此法音
迷狂倒惑三三五五旬遂無悟者王告之曰汝
是外道扶邪急須早去吾當滅汝今亂惑羣
臣未破我國此人答言我是正道來見國王
觀王修善王可熟觀聽我說法王曰汝行偽
術種種變見在於人間更無過汝我國之中
有大乘真藏經典為衆生法鏡無此浮言誑
惑於我我聞有道之士藏名匿迹人衆不知
又聞至道宵冥有形則偽急須疾去吾當滅
汝我有智臣名曰通靈汝有道術共來論義
王召通靈通靈即前稽首上白大王不審有
何意故追臣急速王曰汝聞昨所有人顯其
妙術誑惑羣臣化我修善汝須定却收併外
道論義研窮觀其吐納測其神行通靈曰外
道多偽少實不足堪談請王召取來王殿前
對王決問三日三夜共言論義談空說有辨
古顯今遠無屈滯通靈即顯慧源共論正道
滿口異音形無立所仍即絕對實影迷蹤王
命奉臣收羅捕取於是羣臣召一國內有此
等色即須捉獲速爾失蹤過求不得外道徒

黨三千餘人更無敢出自然廢滅國內清正
信向大乘愈加殷重十方諸國聞此國王自
在諸法辨邪無礙外道誘化不勝當自退滅
各遣大臣尋諸道法迎請專經爾時國王即
遣通靈諮請專法具述所由十方諸國來請

專經唯願神尊無恩赴請爾時

天尊聞彼諸請放大光明隨經普照金剛童
子術法善神無執數衆香華鬱鬱遍空飄飄
神德威光悉皆擁護彼諸國土各見瑞相騰
幢伎樂虛空而至復有鬱慧及風名香不壞
自熏充滿空中濟生度死彼諸國王各淨國
土裝辦洗拭迎請聖尊到彼國內七日七夜
法音不絕仙童玉女遍滿法界諸天歡樂各
奏音樂鏗鏘和雅動諸國土歡喜無量各各
發願歸依無上道歸依無上經歸依無上師
福德報應不可格量天王自在國盛人昌兵
戈永絕萬劫無殃復有邊邦雜類國土聞此
妙經神德威力各各奉迎尊崇聖道心與口
誓從身至身學無上道不生厭倦於是神尊
即遣童子護法善神無量等衆各齎反風鬱

慧名香隨心請到所到之國地皆瑤瑤人人
歡樂飲食自然國內清淨十方大聖並共護
持宣揚真藏秘寶妙經相傳付囑委寄國王
并及大臣受持供養天上天下三清境界功
德通熏不可辨說諸善男女等勤學大乘修

行三慧何謂三慧一者巧積方便善滅外塵

二者斷諸行漏不出他境三者尋求實相直
至道場既證反本二見常明三業輪轉四大
恒通五塵開明六情不滌七識自在八正無
我九德綿綿先賢後聖莫不由此而得成道
當知真藏最為第一何以故諸餘經教皆說
枝條小乘階級此經顯其根本言真理實易
解分明是時座中有一智士名曰法冢上白
天尊我昔以來經七小劫從師學道種種聞
知多有不了未敢請又隨

天尊到靈解山顯揚功德真藏大乘悉皆平
等無極境界並悉沾恩不審何故更有諸國
各遣大臣尋諸道法迎請專經若普沾被不
應更來迎請既有請者道則不周唯願
天尊分明指掌

天尊曰善哉善哉汝所問者衆非同疑我今當說大乘經教混物為先無法不周無法不遍他方請者未有開發不識道源一切雜類皆從道生而不知道要須師發譬如寶藏埋在地中衆人踐之遂不知覺若善別者占視則知他方功德亦復如是雖有不知要須迎請而為發之一切衆生亦復如是或居中國王法當行遂無悟者終劫說之亦不能盡譬如頭圓戴天不知天之高遠足方踐地不知地之深厚一切諸法生在道中不知道之形像衆生迷惑亦復如是爾時法象及諸大衆歡喜作禮覺悟六正通三慧道守一舊城諸魔賊滅稽首奉辭無上慈尊哀嗔咽然然別去矣

无上内秘真藏經卷之七

无上内秘真藏經卷之八

洪十五

集仙品

爾時真人名曰仙靈與諸徒衆七千四百餘人遊居世界及林屋山彌積劫餐芝服餌吐納導養遂得長生為地仙道不悟大乘而無解脫仙靈於是伏地頓首上白

天尊久聞真藏妙經在靈解山清生度死斷煩惱際排百劫魔障千枝惑惡普照潤被蒼生諮論請益唯願天尊垂見思念是時

天尊坐五色琉璃寶座在靈解山去地百丈

宣揚正法秘密真藏復有善惡及風名香散

布諸法悉皆利益一切變動有識合生無不受潤四方衆自然悟解復能成就下方穢

雜國王裝嚴妙麗奇特希有於是

天尊告諸仙曰汝等徒衆積習小乘業緣難

斷吾今為汝宣揚大乘恐驚惶汝何以故妙

絕心源見者難矣若欲求者先斷三惑何謂

三惑一者心惑貪生二者情惑財色三者意

惑善惡除此三惑可以求道復有一行為道

根本萬行之先何謂一行不住世間不離世

間不住空有不離空有不住人我不離人我不住因果不離因果不住身心不離身心常行實道如是行行常得解脫出離生死仙靈於是伏地稽首上白

天尊啟問行比一行依何所行

天尊曰依舊文字又問初學小乘累年積劫不識道源云何是舊答曰不生心是又問不生心者則是無法無法云何得名舊字答曰

心行處滅斷煩惱際得無為理證此理者無生無滅究竟道場功德具足則名舊字又問

心行處滅誰斷煩惱誰證無為誰知寂滅若知寂滅證無為者則是有法有法遷移常變

不住以不住故則是無常云何得名舊字諸疑不了願重告示

天尊含笑五色煥明彌冠十天脫衆色像歡

喜答曰善哉善哉汝所問者為衆決疑開生

靈旨吾為汝說諦聽善思分明易解我所顯

者法無自性無自性故皆是舊字爾時仙靈

及諸徒衆聞此大乘心問意解喜悅難勝我

等累劫艱辛遠求彌失今聞大乘各歸本國

11011A 1231